



ՏԱՅ ՍԿԱՈՒՏ

ԿԻՍԱՄՍԵԱՅ ՕՐԿԱՆ Շ. Մ. Ը. Մ.



ՀԱՄՅՆ. — Խորասանձեան Իսկ. թիւ 26, Սիրքէճի, Գ. Պոլիս
 (Téléph. № 2146 SL.) **H A I S C O U T** (Հեռ.ճ. 2146 ՕՊ.)
ORGAN DES SCOUTS ARMENIEN
ADRESSE. — Khoyassandjian Han, 26, Sirkédji — CONS/PLE
 Բաժնեկցին Տարեկան 120 դր.
 Արտասահման 15 ֆր.
 Ամերիկա 1.50 տոլար

Բ. ՏՈՐԻ ԹԻԻ 4 ԳՊ ԼՍ.ՏԸ 5 ԴԷԿ. 16 ՅՈՒԻԻԾ 1921



26 Յունիս 1921ին Դուլէլիի Կեղրոնական Որբանոցի Ողիմպիականէն, փոքրերու 100 մէթր վազորը:

ԳՐԶԻՆ ԽՕՍԳԸ

ՍԿԱՈՒՏԸ ԶՈՒԱՐԹԻ
ԵՒ ԽԱՆԴԱՎԱՌ Է
ԶՈՒԱՐԹ ԵՂԻՐ ՏՂԱՄ... Զուարթութիւնը

արեւն է սրտին եւ մտքին որ կը փարատէ տղի-
 րութիւնը: - Կեանքիդ մէջ ամէն գործի յաջողու-
 թիւն քու տրամադրութենէդ, քու սրտիդ վի-
 ճակէն կախում ունի, ամենազեղեցիկ ձեռ-
 նարկներն իսկ վատ տրամադրութիւնով մը կը
 տգեղնան ու անյաջողութեան կը մատնուին:

ՉՈՒԱՐԹ ԵՂԻՐ ՏՂԱՄ, այսպէսով դուն քու շրջանակիդ արեւը պիտի ըլլաս, ուր որ մտնես ոգեւորութիւն եւ կեանք պիտի տանիս, տխրութիւնները պիտի փարատես: Աստուած իր արեւով միայն կեանք կուտայ ամբողջ տիեզերքին, ինչ պիտի ըլլար անարեւ աշխարհ մը, եթէ ոչ մութ եւ խոնաւ բանտ մը: Այսպէս ալ ինչ է անժպիտ եւ կախ դէմքով մարդը, մանաւանդ պատանին, հոգիի բանտապահ մըն է այն բեռ մը իր ծնողքին եւ շրջապատին համար՝ անտանելի է այսպիսին իր դպրոցի կամ խաղի ընկերներուն համար, ամէնքը կ'զգուշանան իրմէ եւ իր ներկայութիւնը տեսակ մը բեռ է ամէնուն:

ՉՈՒԱՐԹ ԵՂԻՐ ՏՂԱՄ, քու անձնական շահիդ համար, զուարթութիւնը հոգիի լուսարձակ լապտերն է որ էն յուսահատ եւ տխուր պարագաներուն մէջ բեզի յոյսի փամբան ցոյց կուտայ: Համակրանք կ'ստեղծէ իր շուրջը որ կեանքի մէջ յաջողելու էն կարեւոր միջոցներէն մին է:

Նեղութեան մէջ գուարդութիւնը մեծ հոգիներուն յատկ է. տկար հոգիները միշտ կ'ընկնուին պզտիկ թէ մեծ նեղութիւններէ: Մի քանի որ «իմ ցաւս մեծ է քան ուրիշինը», ամէն մարդու ցաւը իրեն համար ցաւ է:

Սակայն ինչպէ՞ս վարժուիլ մշտակայ զուարթութեան: Ձեր տարիքին մէջ շատ ալ դժուար է՛, դուք տակաւին չէք խմած կեանքի թախճոտ կաթը, ձեր հոգին տակաւին թարմ է ինչպէս գարնան ծաղիկը, միշտ ենթարկեցէք զայն օգնիւ զուարթութեան արեւին, չեմ կարծեր որ զուարթութիւն եւ ժպիտ բոցով դուք պիտի հասկնաք թեթեւամտութիւն, խեղկատակութիւն եւ ծաղրանք, ասոնք հասարակ եւ զէշ հոգիներու յատուկ են. իմ խօսքս ազնուական եւ բարի ժպիտի մասին է որ կը բարձրացնէ թէ բեզ եւ թէ ընկերդ:

Միշտ ձեր գրպանի յուշատետրին մէջ ունեցէք գրուած գեղեցիկ երկտողներ ու ոգեւորիչ խօսքեր որ երբեմն երբեմն հանելով կարդաք զանոնք: Վարժութիւն ըրէք ձեզի, ձեր էն դժուարին վայրկեաններուն մէջ խնդալ եւ երգել: Փորձեցէք եւ պիտի յաջողիք: Մասնաւոր մարզանք ըրէք այս բանին եւ ընկերովի գրաւի մտէք ՏԻՐՈՒԹԵԱՆ ՎՐԱՅ ԺՊԻՏՈՎ ԹԱՂԹԱՆԱԿՆԵՐ ՏԱՆԵԼՈՒ:

ՃԷՄՊՕՐԻԻՆ ԱՌԹԻԻ
ԱՌԱՂ ՊԵՏԸ ԿԸ ՊԱՏՄԷ՛ ՊՕՅ-ՍԿԱՌԻՏՆԵՐՈՒ
Պ Ա Տ Մ Ո Ւ Թ Ի Ի Ն Ը

(Շար. Թիւ 366 եւ վերջ) (1)

Բարի գործելու կարելիութիւնները ներկային անհուն են և աննախնայ. իցիւ թէ մենք և մեր յաջորդները պատաստ ըլլայինք անոնցմէ օգտուելու:

Միութիւնը, սրտակցութիւնը, առողջ օգուկազարութեան մը մէջ բարձր իտէալ մը, մեզի պիտի օգնեն այդ նպատակին իրագործումին:

Բայց պատերազմը մեզի ցոյց տուաւ թէ մեր ա՛յնքան գովուած քաղաքակրթութեան մակերեւոյթին մօտ որքան վտանգաւոր կերպով կը շարժին տակաւին բարբարոսութիւնը. կոյր վայրենութիւնը և վատառօղ լպիրշ ազատութիւնը:

Պատերազմը չէ աւարտած, յաղթանակը ամբողջովին ձեռք չէ բերուած, թէև պատերազմի դաշտերուն վրայ կուրծքեր վերջացած են:

Մինչև որ պատերազմին կողմանէ դարբնուած մետաղը ձե մը առնէ և գործածելի դառնայ, մեր երկիրը, ինչպէս հանուր աշխարհը, տակաւին շատ վտանգներ և անձկութիւններ ունին անցընելիք:

Թէև մեզմէ շատեր չուզեն տեսնել իրողութիւնը, ընկերային յեղափոխութիւնը առաջ կ'ընթանայ: Կրնայ ըլլալ որ յետ-պատերազմի վերաջինութիւնը լաւագոյն ռամկավարական կառավարութիւնը և ի վերջոյ տիեզերական խաղաղութիւնը հաստատէ. բայց, եթէ զգոյշ չըլլանք, կրնայ ճիշդ հակառակն ալ առաջ բերել: «Մածուկ ձեռքեր» գործի վրայ են:

Կան մարդիկ որոնք բանիւ և գրով դասակարգային ատելութիւն և ընդհանուր տակնիվրայութիւն կը քարոզեն, անոնց իրենց առջև ունենալու ո ի է վերաջինիչ հայեցակէտ: Յիմար անիշխանութիւնն է աս՝ որ ոչ միայն դրամատէրերուն անկումը կրնայ առաջ բերել, այլ նաև խաղաղագէտ քաղաքացիներու և թոշակաւորներու անթիւ զանգուածին կործանումը:

Այս մարդիկ ազգանք են և ուրիշներուն տգիտութիւնը կը շահագործեն: Կան անոնց մէջ այ՛պիսիներ իսկ որոնք, ինչ ինչ պարագաներու մէջ, միաքով պակասաւոր են: Յետոյ անոնց մէջ մէկ քանիներ որոնք յիմարութեան

(1) Մասնաւոր ուշադրութեամբ կարգալ այս վերջին մասը, 8. Թ. 2.



Հ. Մ. Ը. Մ. Ռօտոսթոյի Մամա-
ճիւղի, 29 Մայիսին կատարուող սկա-
ուտական Ուխտի արարողութիւնը, ու-
րուն կը նախագահէ տեղւոյն առաջնոր-
դական Փոխանորդ Տ. Խորէն Ա. քահա-
նան, իր քովը ունենալով տեղւոյն հել-
լէն հրամանատարը որ, իր ձեռքով ան-
ցուց է տղոց սկաուտական ժապաւէն-
ները: Հա՛ղէսը շատ յաջող անցաւ, քա-
ղաքիս համար նորութիւն մըն էր, մեր
գործին լրջութիւնը այսպէսով անգամ
մը եւս տպաւորուեցաւ ժողովուրդին
մտքին մէջ, Հանդէսին ներկայ էին մը-
տաւորական դասէն զատ Յոյներ եւս,
Յոյն սկաուտներ Մարգարան եկան շը-
նորհաւորութեան:

Հ. Մ. Ը. Մ.
ՌՕՏՕՄԹՕԻ ՄԱՍԵԱՃԻԴ

մօտ վիճակ մը ունէին: Եւ սակայն, այս մար-
դիկ, պարզապէս մեծաշահինդ խոստումներու
միջոցաւ, շատ մը ուրիշներ իրենց ետեւէն կը
քաշեն կը տանին:

Մեր նպատակը, սկաուտական շարժումին
մէջ, վաղուան մեր մարդիկը յստակատես և
չափոյասէր ընել է, կարող արդարամիտ ըլլա-
լու ամէնուն հանդէպ և ցոյց տալու թէ անչա-
հախնդիր, արի և անվեհեր են: Մեր ծրագիրը
ինքզինքը կը յանձնարարէ աշխատող դասա-
կարգին վարիչներուն:

Այսօրուան երիտասարդներէն շատերը քիչ
ատենէն ձայն պիտի ունենան կառավարական
գործերուն մէջ և, առանց քաղաքական ինքիւր
ներով գրադելու, այս դերին կը պատրաստենք
զանոնք՝ սորվեցընելով անոնց նախ ինքզինքնին
կառավարել:

Երեւակայեցէք զորս հինգ հարիւր երիտա-
սարդներ՝ բանախօսութեան մը համար հաւաք-
ուած, և անոնց մէջ, միակ մարդ մը հասուն
հասակով, ամէնէն ետեւը նստած: «Ի՞նչ խառ-
նափութութիւն» պիտի կարծէք. ես ինքս ալ
այնպէս կ'երեւակայէի երբ առաջին անգամ
ներկայ եղայ այսպիսի ժողովի մը: Բայց, այս
նուհետեւ, տասներկու քէն աւելի նմանօրինակ
բանախօսութեանց ներկայ եղայ խճակապետերու
միջև, և ամէն անգամ աւելի՛ տպաւորուած
վերադարձած եմ:

Խօսակցութեանց բարձր մակարդակը, ներ-
կաներուն լրջութիւնը և բարեկրթութիւնը,
ատենաբաններուն միանգալայն իսկափայ և
կորովի արտայայտութիւնը, քուէներուն միջո-
ցաւ ի յայտ բերուած ուղղամտութիւնը և հաս-
տատամտութիւնը, ամէն բան պատուարեր էր

քաղաքացիական առաքինութեանց այս դպրոցին համար:

Ուրեմն կրնանք-եթէ պէտք եղած աջակցութիւնը նուիրուի մեզի-առաջ երթալ և առաջ տանիլ գործ մը որ կրնայ ամենամեծ օգտակարութիւն ունենալ մեր ցեղին և մարդկութեան ապագային համար:

Կտակներ և հանգանակութիւններ թանկագին են մեր ձեռնարկին ընդարձակմանը համար, բայց որքան դրամի նոյնքան ալ մարդու պէտք ունինք:

Շատ մանչեր մեծ փափագ ունին սկսուտութեան: Ու մենք ստիպուած ենք դժբաղդաբար ամէն օր ճամբել անոնց մէկ մասը, միայն նոյն պատճառաւ որ զանոնք մարզելու կարող մարդիկ չունինք: Սկսուտ-մատչելիութեան պէտք ունինք, դիրքի տէր և փորձառու մարդոց պէտք ունինք, փորձագէտներու (expert) և մասնագէտներու պէտք ունինք, կիներու պէտք ունինք, և յն. և յն.:

Ահաւասիկ իր հայրենիքին բարօրութեան նպաստել փափագող ու է էրիկ մարդու և կնոջ համար հրաշալի առիթ մը՝ ուրախ եղբայրութեան զգացումով մը լծուելու զուարթ աշխատութեան մը որ կրնայ արտադրել մեծագոյն օգուտը զոր մարդ մը կրնայ մաղթել այս աշխարհի մէջ:

«Ամէն կողմ բաց էն» (all clear!) թնդաց իրր նշան խաղաղութեան, իրր նշան փրկութեան՝ պատերազմին ձգտումէն և աշխատութենէն վերջը: Եւ սակայն, անոնք որ իրենց պարտականութիւնը կատարած են՝ հիմարանգործութեան մէջ պիտի չլինան: Անոնց համար, ամեն կողմ բաց են ուրիշ իմաստ մը ունի. անոնց համար, ամեն կողմ բաց են կը նշանակէ՝ ճամբան բաց է հայրենիքին համար ուրիշ երջանկաբեր ճիգերու առջև: Այս պահուս լուսագոյն և աւելի կարևոր աշխատութիւն մը չկայ քան ապահովել ապագայ սերունդին քաղաքացիական ոգիին մէկ բարձր ըմբռնումը:

Ո՛վ որ ալ ըլլաք. ո՛վ որ ալ կարենաք ըլլալ, ձեր կարողութեան մէջ է մեզի օգնել: Պէտքը մեծ է, իսկ կարելիութիւնները ա՛լ աւելի մեծ են:

Զ՞ը պիտի դաք աջակցիլ մեզի:

ՊԷՅՏԸՆ ԲՍՍՈՒԸԼ
բարգմ. Յ. Թ. ՀԻՆՊԻՍԱՆ

ԴԻՏՍԱԿԱՆ

ԴԷՊԻ ԲԵՒԵՌՆԵՐ

Մարդիկ իրենց ծագումէն սկսեալ մինչև այսօր հետաքրքրուած են իրենց բնական աշխարհով, և ըրած են բազմաթիւ ճամբորդութիւններ ու հետախուզութիւններ, իրենց բնական փափաքին գոհացում տալու համար:

Մովի ճամբորդութիւնները աւելի դժուար՝ Փիւնիկեցիներու ժամանակ սկսաւ. ասոնք Միջերկրականը կտրեցին Յ տարիէն և գացին ճիւղ ըստ ըստ:

Ամերիկայի գիւտէն վերջ սկսաւ հետաքրքրութիւնը դէպի հիւսիսային բևեռ և առաջին անգամ Մեծն Պետրոս ընել տուաւ հետախուզութիւններ, Առլանտեանը Պաղատականին միացընող կարճ ճամբայ մը գտնելու համար:

Սակայն բևեռէն հազարաւոր քիլոմէթրեր իսկ հեռու սկսող սոսկայի ցուլ տըր և 64 օր գիշեր՝ նոյնքան ցերեկ ըլլալու դժուարութիւնը՝ ճախողեցուցին առաջին փորձը:

Երբեմն պատահող հիւսիսայնի երեւոյթը որ կը լուսաւորէ այն տեղերը հազիւ 24 ժամ կը տեւէ և ըստ գիտուններու կարծիքին արդիւնքն է հիւսիսային մագնիսական զօրութեան մթնոլորտի մէջ արեւի լոյսին հանդիպումին: Ասկէ առաջ կուգան գեղեցիկ մթնոլորտային երեւոյթներ զանազան գոյներով:

Ովկիանոսին մէջ լողացող անագին սառնակոյտերը երբեմն կուգան իրար զարնուիլ և ջարդու փշուր ընել իրենց միջև գտնուող հետախուզ նաւերը:

Գիտունները այս դժուարութեան առջևը առնելու համար շինած են այնպիսի նաւեր որոնք՝ երկու սառոյցներու մէջ սեղմուելու պարագային վեր կ'ելլեն և վտանքէ զերծ կը մնան:

Բևեռներուն աւելի մօտ ծովն ալ կը սկսի ստաիլ և ճամբորդութեան միակ միջոց կը մնայ Ռենը (հիւս. եղջերու) և բալիսիրը:

Հետախուզները իրենց հետ կը տանին իբր պաշար աղած միս որ տեղական որսերու հետ իրենց գլխաւոր սնունդ կը կազմեն:

Մասնաւոր թնդանօթներ և պայթուցիկ նիւթեր որոնք կը ծառայեն սառոյցներու մէջ ճամբայ բանալու:

Յուրաք երբեմն այն աստիճան կըլլայ որ (55°), եռացած ջուրը երբ երեսուն և կը զարնեն լուացուելու, պիսիբրնուն վրայ սառած կը մնայ:

ԶՈՐՍ ՀՈՎԵՐԷՆ

ԱՆԿԻՒՆՆԵՐԷՆ ԶԳՈՅՇ



Մեծադնները պողէն ձեռքերուն կը փակչին: Peary Անգլիացին 1903ին ձամբայ կ'ելլէ և քանի մը փորձերէ վերջ 1909 ապրիլ ճին առաջին անգամ կը հասնի հիւսիսային բևեռ: Հոս մագնիսը գրեթէ գեանին ուղղահայաց դիրք մը կ'առնէ և հիւսիսաստղը ճիշդ իր վրան կը դառնուի: Հոս կը տեսնուին ձերմակ արագիւններ, փոկեր որոնք խիստ վառնաւոր են:

Բեւեռախոյզը կուզէ ինքզինքը պաշտպանել այս վայրերի կենդանիներու դէմ բայց յաճախ հրացանը ձեռքը սառած կը մնայ և կը գոհուի ցուրտին:

Հարաւային բևեռի հետախուզութիւնները աւելի դժուար ըլլալով վերջը սկսած են: Հոս 164 օր աւելի գիշեր կ'ընէ քան հիւսիսը և շատ աւելի ցուրտ:

Շէքլթօն հասած է մինչեւ 80 աստիճան և տեսած է 3000 մէթր բարձր սառնապատ լեռներ որոնք երկրի այս ծայրին վրայ սպիտակ գետակի մը պէս կը հանգչին:

Աքոթ 1911ին Յունուար 9ին կը հասնի Հարաւային բևեռ, բայց վերադարձին կը կորսուի:

Ուրիշ անգլիացի հետախոյզ մը Ամուսթայ 1912ին կը հասնի Բեւեռ և կը վերադառնայ ու մեզի լուրեր կը բերէ սառույցներու աշխարհէն:

Հոս բուսականութիւն չկայ, կենդանական կեանքը խիստ տարօրինակ է: Տեսած են խոշոր ճանճեր և թիթեռնիկներ որոնք թեւ չունին: Կատուններ և մուկեր որոնք իրարու մօտ բարեկամաբար կ'ապրին:

Հսկայ պատիճաւոր փոկեր՝ որոնք երբ մարդ տեսնեն կը յարձակին և կը բզբտեն:

Հարաւային Բեւեռը ընդարձակ սարահարթ մըն է որուն ցամաք կամ ծով ըլլալը ոչ ոք գիտէ:

Հիւս. Բեւեռին մէջ գտած են հասարակածային կենդանիներու մնացորդները, ինչ որ կարծել կուտայ թէ ժամանակաւ Հիւս. Բեւեռը այրեցեալ գոտիներու ջերմութիւնը ունէր:

2
II **Եւրոպական Թիւ 2**

«Հայ Սկսուած» քերթի Ա. Տարիի Ա. քիւնն ունեցողներ թող հաճին մեզ դիւել երե հաւաքածոյ չեն ընել, փոխարեւը 2 ճոր քիւն կը տրուին:

Թերթի մը մէջ գրուած է թէ ինքնաշարժերու բոլոր արկածները գրեթէ անկիւնները կը պատահին և հաւասարապէս կրնար ըսել թէ մարդկային նկարագրի բոլոր արկածներն ալ անկիւնները տեղի կ'առնենան:

Ամէն անկիւն մարդկութեան համար մասնաւոր նշանակութիւն մը ունի: Մութ անկիւն մը մեզ կը սարսափեցնէ այն սնտփ գաղափարով թէ՛ հոն չար ոգի մը պահուելու կը մընայ. սակայն եթէ ուրախութեամբ և անվախ մեր ճամբան շարունակենք ու անցնինք այդ խորհրդաւոր անկիւնէն, այլևս ուրիշ ոչ մէկ անկիւն մեզ խորհրդաւոր պիտի երեւայ: Այսու հանդերձ ամէն անկիւն տարօրինակ թշնամիի մը թագստոցն է:

Անկիւնը բանի մը վերջաւորութիւնը և ուրիշի մը սկզբնաւորութիւնը կը նշանակէ: Կեանքի բոլոր ճամբաներուն վրայ այսպիսի անկիւններ կան:

Իպրոց երթալը անկիւն մըն է, դպրոցը թողուլը՝ ուրիշ անկիւն մը, գործի մանկը, ակուսի մը անդամակցիլը ուրիշ անկիւններ են, բարեկամ մը ընտրելը ամենավտանգաւոր անկիւն մըն է:

Երբ մէկը հիւանդութենէն կ'ապաքինի, «անկիւնը դարձաւ», կ'ըսենք, այսինքն՝ նորէն ապրիլ կըսկսի ան: Մեր դարձած բոլոր անկիւնները ընդհանրապէս նոր կեանքի մը սկզբնաւորութիւններն են և մեր կեանքը կախում ունի մեր դէմ ելած անկիւնները դառնալու մեր եղանակէն:

Փորձանքը աշխարհիս ամենավտանգ արկածներէն մին է, թէև ամենատկարր: Արդարեւ ինքն իր մէջ ոչ մէկ ոյժ ունի: Բնաւ պէտք չէ անկէ վախնալ: Մեզի կրնայ վտանգ եթէ անոր ներկայանանք իբր յիմարներ: Օրինակի համար երբ մեր առջև դառնալիք անկիւն մը ունենանք և մեր սովորական ընթացքին արագութիւնը շափաւորելու խոհեմութիւնը չունենանք ու սրբնութաց կամ աչքերնիս գոց դառնանք այդ անկիւնը, անսպասման այս սրիկան իր թագստոցէն վագրի մը նման պիտի ցատկէ և մեր դանուած տեղը գիտնալնէս առաջ մեզ փոշիւնորու մէջ պիտի գլորէ:

Հաւագոյն է ոչ միայն անկիւնները աւելի



Իզմիրի Սկաուտները Գուրնուվայի մէջ արշաւի միջոցին

ուշադրութեամբ դառնալ, այլ նաև յաճախ պէտք է կանգ առնել չրջակայքը զննելու համար: Կեանքի ճանապարհին վրայ յիմարներ կը գտնուին և յիմարները միմիայն իրենց անձերուն թշնամին չեն, ամէն ապրող յիմար մնացեալ բոլոր մարդկային արարածներուն համար վտանգ մըն է: Երբ անկիւն մը կը դառնանք, տարակոյս չի կայ թէ յիմար մարմին մը մեր դէմ պիտի ջգուի:

Սակայն պէտք չէ վախնալ անկիւններէն: Եթէ կեանքի ճանապարհին անկիւնները չըլլային, ճամբորդութիւնը հաճոյալի չպիտի ըլլար: Որքան անկիւնները շատ ըլլան, սկսկալութիւնները այնքան հարուստ կ'ըլլան, պայմանով որ ամէն անկիւն մեզ առաջնորդէ դէպի յաջող վերջաւորութիւն մը, — լաւ նկարագիր մը և խաղաղ սիրտ մը:

Կեանքի ճամբուն անկիւնները ապահով դառնալու համար հրաշագործ կարգախօս մը կայ — «Զգուշացիր»: Զգո՛յ՛ն եղի՛ր, երբ բարեկամ մը պիտի ընտրես, գործի և խաղի մէջ

մի՛շտ զգո՛յ՛ն գտնուէ՛. զգուշացի՛ր՝ գի՛րքերուդ ընտրութեանը մէջ, մանաւանդ ուշադրութիւն ըրէ՛ թէ որքա՛ն բաց թողած ես սրտիդ դուռները:

Այս կարգախօսը գործածէ և Փորձանքը, թէև ամէն անկիւն դառնալու դեմ է, բարեկացայտ հայացքներով ակոյ պիտի ցուցնէ, սակայն մազիդ մէկ չիւզէն իսկ չպիտի կարենայ վնասել:

Ինքնաշարժերու մեքենավարները անկիւնները դարձած պահուն եթէ չափաւորն իրենց ընթացքը, մարդկային անմեղ զօհերու թիւը կը նուազի: Ամէն անցորդ երբ անկիւնէ մը կը դառնայ, կ'արժէ որ պահ մը կենայ և ինքզինքին հարցնէ թէ՛ իր կեանքի անկիւններն ալ նոյն զգուշութեամբ անցած է, կամ թէ, իր կեանքի երկար ճամբորդութեան ընթացքին Փորձանքներէ խուսափելու համար այնքան զգոյ՛ն գտնուած է, որքան փոզոցին անկիւնը՞ կառքի մը, ինքնաշարժի մը բեռնակիրի մը բաղխումներէն ազատելու համար:

Վ. Ս. Փ.

Յացորդ բիւով կը սկսիմք հրատարակել Էմիլիո Սալարիի
 «ԱՐԿՈՒ ՀԱԶՅԵՐ ՄՂՈՒ ԱՄԵՐԵԿԱՍԵՍ ՆԵՐՔԵՆ»
 գիտական-տրամաբանական հետազոտութիւններու վկայը:

ԲԱՆԱԿՈՒՄ (CAMPEMENT)



(ՇԱՐ. ՆԱԻՈՐԴ ԹԻԻԼԷՆ ԵՒ ՎԵՐՋ)

Բանակումի կրակի
փայտը այսպէս կը
շարեն



ԱՌՈՂՋԱՊԱՀՈՒԹԻՒՆ.—Առողջապահութիւնը խիստ կարեւոր կէտ մըն է որ լրջութեամբ պէտք է նկատի առնուի իմբապետին կողմէ բանակումի ձեռնարկելէ առաջ, Բանակումի ամէնէն սովորական հիւանդութիւններէն են արեւահարութիւն և ստամոքսի խանգարում, որոնք կարելի է կանխել ճշգրտաւ, մաքրանքի, հազար ստի, ջուրի կանոնաւորութեամբ, Բանակումի վայրին ամէնէն ժողովայն բժիշկին հասցեն առնել, և կարծիր խաչի նախնական գոյքերու պայտասակը միտին առած ըլլալ, բայց տնօրէն թէ նախընտրելի է քիչ մը նախըզբուժութիւն քան թէ դարձանի առատութիւն. ջուրի տեսակը, զան փոխադրելու միջոցները, քանակութիւնը ամենակենսական կարեւորութիւն ունեցող բան է, անկողիններու ամէն որ բայց օդին մէջ դրուելը և մարմինի ամենօրեայ օժանով մաքրութիւնը չմոռնալ, պատկերու վրանին մէջ ուտեստեղէի նիւթ չպահել և քիչ ուտել խրատելի է, վերջապէ՛ ընդհանուր մաքրութեան խնամք տանիլ խիստ կարեւոր է:

Պէտք քարանները բանակումի վայրէն գոնէ 150 մէթր հեռու հաստատուած պէտք է ըլլան, կրնանք կատուներէն օրինակ առնելով ամէն անգամ թարմ հող գործանել, բանակումի վերջանալուն փոքր բոլորովին գոցել, Սթէ բանակումը երկարատեւ պիտի ըլլայ, փոսերը կ'ուսնեան 1 մէթրէն աւելի խորութիւն. շուրջը բնական միջոցներով ծածկել, զբաղուած թէ ազատ օրջ տուող նշաններ կարելի է շինել, Դուռը պիտի չճելայ եթէ խաւքին մէջ կայ բրիչի և ձեռարհետի մասնագիտութիւն ունեցող սկաւտներ, Ամէն օր փոսին մէջ եթէ չոր իստ սյարուի, մուխին ձգած թեթեւ հոտը պիտի արգիւէ ձանձերուն հետ հաւաքուիլը:

ՍՈՎ.—Մովի լողանքի ժամերը անշուշտ կանխաւ հաստատուած են: Տաք օրերու կարելի է միշտ և երկու անգամ ընել, բայց 6 ժամ միջոցով և ծովին մէջ

մնալ քառորդ մը կամ 20 վայրկեան: Տղաք ջուրին մէջ կը մնան միշտ և որ ձանձերանան, այդ նշան է թէ չափը տրդէն անցած է. ոճանք շուտով դողալ կ'սկսեն ջուրին մէջ, ասոնք պէտք է ելլեն ու հագուին, մաքրինը երբ թաց է շուտով կը կործնեն իր ջերմութիւնը, յաճախ ծովէն յետոյ խնաւ մարմնով պտտելու սովորութիւն կ'ուսնեան տղաք ինչոր անհանդի հետեւանք կրնայ ունենալ, Մովի ժամէն յետոյ վրաններու քնութիւնը նըշմարել պիտի տայ բանակումի պետին՝ բացակաները և տակաւին ծովը մնացողները:

Լողալ չգիտցողներու համար մասնաւոր ժամեր պէտք է որոշել և մասնաւոր ուշադրութեան ու խնամքի առարկայ ընել: Տղոց մէկ ուրիշ սովորութիւնն է ծով խոնելուն պէս խաղի սկսիլ, բայց պէտք է զգացընել իրենց թէ լողալ չգիտնալով չեն կրնար գործադրել իրենց դաւանանքին չորրորդ հատուածը, վասն զի չգիտի իրան խեղդուող մէկը ազատել երբ առիթը ներկայանայ, ըսէք նաև թէ գեղեցիկ խաղեր կարելի է խաղալ միայն լողալ սորվելէ վերջ, Եթէ գտնուի սկաւտ մը որ ջուրէն սարսփող է ամէնէն դէշ բանն է զինք միւսներուն հետ ձգել կամ եղբորէն հեռանալ, չուզած ատեն զինք ջուրին մէջ հրել, յաջորդ անգամ հանուելու իսկ պիտի վախնայ, սյապիօս տղաքը առաջնորդը առանձին առնելու է, բոլորովին առանձին, համոզէ զինք թէ ամէն լողորդ նոյն վայրը ունեցած է սկիզբը, թէ լողալը շատ բնական բան է, օգնեցէք իրեն աստիճանաբար վարժուելու ջուրին հետ, վերջապէս պիտի յաջողի:

ԲԱՆԱԿՈՒՄԻ ՕՐԷՆՔՆԵՐ.—Բանակումի համար լաւագոյն օրէնքը դաւանանքին գործադրութիւնն է,